

Universitätsbibliothek Paderborn

Exemplorvm Libri Tres

Liber Tertivs, Sive Exempla Divinae Irae, Per Opera Poenitentiae, Nobis
Leniendae - Per Qvadragesimam Anno M. DC. XLVIII. narrata

Stengel, Georg

Ingolstadii, 1650

§. 11. Quid in his bellicis miserys faciendum?

[urn:nbn:de:hbz:466:1-48194](#)

96 Cap. VII. Rhemensium exemplo demonstratur, quid possit satire fallere.

ni adferre, quam si anno integro in pane & aqua ieiunaret, ac flagellis se quotidie usque ad sanguinem caderet, & Psalterium eorum quotidie recitaret: bac enim exercitia, et si bona sint, & valde utilia, quia tamen sunt opera externa, si ita nude exerceantur, non habent tantam vim, ad purificandum cor à suis vitijs, illudq; veritatibus ac virtutibus illustrandum, & inflammatiis diuini amoris affectibus perficiendum; atq; accentu, & profunda Christi Domini nostri Passiones Meditatio, qua omnia hac efficit, additq; etiam spiritum & vitam poenitentij ipsi, & operibus exteris, permouendo efficaciter ad fervorem eorum exercitationem. Quidam non ad duos vel tres, vel octo dies, sed per omnem vitam se includunt, ut poenitentiam agant, sicut Pelagia, sicut nepis Abrahams eremita, sicut omnes, qui in religionem aliquam ingrediuntur; religionis enira status, est statu poenitentiae.

XL.

QVID NOSTRIS
IN HIS BELLE-
TRES MISERIS
GACENDIMUS

Præter hæc duo genera operum satisfactoriorum vel sponte scilicet susceptorum, vel à sacerdote impositorum, historia suprà commemorata, tertium genus docet, scilicet illam ipsam peccatum, quam Deus in hac vita, etiam inuitis infligit, si illam, dum euitare non possumus, saltem patienter de manu Dei suscipiamus, atque ad eius gloriam, pro peccatis nostris, offeramus. Rhemensibus non imposuit S. Nicasius hostes, nee ipsi eos sponte suscepserant, pro poenitentia; sed Deus eos in peccatum illis immisit; & quia benignus est, immisit, ut castigati resipiscerent. Quis igitur percussi sapuerunt, atque ex necessitate virtutem fecerunt mortem ipsam & mille terrores, ac pericula patienter ferentes, ecce Deus, ea ipsa damna, quæ illis Attila iactulit, in satisfactionem, immo in martyrij meritum suscepit; & tam illustribus miraculis eam satisfactionem confirmauit. Atque huc ~~mea~~ tendit oratio. Peccauimus omnes, ut alias ostendi. Moniti toties nondum ad poenitentiam configimus. Potuissimus fortasse iram Domini à nobis auertare, sicut Achab rex, de quo sponte sua cilicium induente, & in facco dormiente Dominus ad Eliam dixit: Nonne vidisti Achab humilitatem eoram me? quia igitur humiliatus est mox causa, non inducam malum in diebus eis. Quia si nos ipsoſ dijudicaremus, non utiq; indicaremur à Domino, ut ait Apostolus. Quando igitur nos iplos non dijudicauimus, nonnè merito nos Dominus iudicauit?

3 Reg. 30

2 Cor. 11. 30

iudicauit? sicut Gallos? Itaque iam in vicinia habemus hostem; iam armis vndiq; cingimur; iam hostilia experimur; iam pluri-
mi adsunt spoliati, domo pulsi, in exilium acti, percussi, depau-
perati, ad incitas redacti, pleni lachrymis, pleni calamitatibus,
viri dolorum, mulieres lamentabiles, infantes miserabiles. Quid
faciemus? Hæc volentibus nolentibus æquè sunt patienda. Si
sumus impatientes, si blasphememus, si desperemus, rem non facie-
mus meliorem. Impatientia nullius doloris remedium est: sed
omne malum reddit grauius, & duplcat; & insuper meritum
tollit, ac infernum meretur. Quòd si omnia mala, tamquam fla-
gella à Domino immissa, acceptemus, non augebimus illa, sed leui-
us sentiemus, quia iā non animo reluctantे, sed volente patiemur;
quin & diuinam iram placabimus, vt Rhemensis; & veniam im-
petrabimus; & peccata discemus detestari, quæ harum poenarum
causa fuerunt; denique & Christo, qui pro peccatis nostris satis-
fecit (ex quo omnis nostra sufficientia) si satisfaciendo patimur,
conformes efficiemur, & spem nostram firmabimus. Nam si com-
patimur, & conglorificabimur.

Rom. 8. 17.

Cùm enim Christus Dominus passus sit pro peccatis nostris, XI I.
iniquum esset, si nos ipsi pro peccatis nostris nihil pati vellemus, CHRISTO PA-
Christus passus est pro nobis, ait S. Petrus: *vobis relinquens exemplum*, TIENTI NOS
vt sequamini vestigia eius. Et S. Paulus promittit nos cohæredes ESSE CONFOR-
fore Christi, si tamen compatimur, vt & conglorificemur. Non om- MANDOS.
nia nostra Christus expleuit, ait S. Gregorius. Per crucem quidem su-
am omnes redemit, sed remansit, vt qui redimti & regnare cum eo nisi-
titur, crucifigantur. Hoc profectò residuum viderat, qui dicebat: Si
compatimur, & conregnabimus: quasi dicat: *Quod expletit Christus*,
non valet nisi ei, qui id, quod remansit, adimpler. Quapropter Apo-
stolus ait: *Adimpleo ea, quæ desunt Passionum Christi in corpore meo*. Col. 1. 24.
Quis autem cum Christo non velit pati? Si rex quispiam inno-
cens, pro graui delicto serui sui, ita vellet satisfacere, vt diceret:
ecce vna ibimus, vna cædemur, ita tamen vt tu seruus nocens non
nisi vnum ictum sustineas, donec mihi mille infligantur, quis ser-
uus eiusmodi poenam detrectaret? Et tamen Christus hoc facit;
rex tremenda maiestatis, infinitæ potentiae, coram quo Angeli
faciem suam tegunt, cali & terra moderator, coram quo om-
nes

N

LIX